

Tokantrano tratry ny bekorontana

Gidragidra lava tsy nisy masoandro mihiratra 6

NY VALOSOJA

Gazety miseho intelo isan-kerinandro
(Talata - Alakamisy - Sabotsy)

VAOVAO

Il Tantara 7: 14 5

Faminaniana sy fanambarana
ho an' izao tontolo izao

www.gvalosoa.com

gvalosoa@yahoo.com

facebook : gazety valosoa rakoto

Talata 19 jona 2018

Laharana 779

Vidiny : 400 Ar

Raharaham-pirenena 2

Fiaramanidina nidaraboka 3

Te hihaona amin-dRavalo i Ntsay

Maty avokoa ireo mpandeha miisa 5



FAMPIANARANA TEKNIKA SY ARAK'ASA 5

Tsy hisy ny valifaty, ho firosoana amin' ny fanovana



Kianja 13 mey 2

Tsy tonga ireo depiote MAPAR

RN 35 7

Fiara mpitondra mpizahatany nisy nanafika indray

Jiro maty 3

Niaina tao anaty haizina tanteraka Antsirabe

Daka kely
Fanendrena minisitra : hita mihitsy la mpandainga sy mpampiesona nareo Raforce a !

Mondial 2018 4

Sahirankirana ireo ekipa lehibe



FILOHA RAVALOMANANA

Niatrika fotoam-pivavahan'ny Advantista

Tonga nanatrika fanompoam-pivavahana lehiben'ny fiangonana Advantista mitandrina ny andro faha-7 teny Soamanandrarin'ny ny sabata farany teo, izany hoe ny sabotsy teo, teny Soamanandrarin'ny ny filohan'ny komity fankalazana ny faha-50 taonan'ny fiangonana FJKM, sady filoha nasionalin'ny antoko Tiako i Madagasikara (TIM), Marc Ravalomanana, izao fotoam-pivavahana izao dia fanka-



Ny Filoha Marc Ravalomanana teny amin'ny fiangonana Advantista Soamanandrarin'ny.

lazana sy fiderana an' Andriamanitra tao amin'ity Fiangonana Advantista Soamanandrarin'ny dia vavaka ho an'ny

fitrotroana am-bavaka ny firenena isan-kerintaona noho ny fetin'ny fiverenan'ny fahaleovantenan'i Madagasikara,

ny 26 jona ho avy izao. "Sambatra ny firenena izay manana an'i Jehovah ho Andriamaniny, dia ny olona nofidiany ho loany" Salamo 33:12, izay no loha-hevit'izao fotoam-pivavahana lehibe izao. Niatrika izany ny Filoha Marc Ravalomanana, nisilotena ny fiangonana FJKM amin'ny maha-filohan'ny komity fankalazana ny faha-50 taonan'ity fiangonana ity azy.

Isambilo

Raharaham-pirenena

Te hihaona amin-dRavalo i Ntsay

Nivoaka tamin'ny fahanginy ny filoha Marc Ravalomanana ny faran'ny herinandro teo ary naneho ny heviny manoloana ny toe-draharaha politika eto amin'ny firenena ankehitriny. Izany dia nandritra ny fiarahabana azy noho ny fetin'ny Ray nataon'ireo Parlemantera TIM, ny avy amin'ny Kaominina Antananarivo Renivohitra (CUA), ireo mpikatoka eo anivon'ny antoko TIM ary ny Vondrona AAA-Tiko, nirary soa azy no-

hon'ny fahatratrarana ny fetin'ny Ray, teny Faravohitra. Ny nandray fitenenana dia nanambary fa tanjona iray ihany ny an'ny rehetra dia ny hiverenenan'ny filoha Marc Ravalomanana eo amin'ny fitondrana indray. Raha nandray fitenena kosa i Dada dia nambarany fa tsy nanao sonia izay mety ho fifanarahana politika tamin'ny nanendrena sy nananganana io governemanta io ny tenany. Nohamafisin'ny filoha Marc Ravalomanana

fa tsy hahavaha olona io governemanta misy amin'izao fotoana izao io. Ny Praministra Ntsay Christian, nanomboka ny faran'ny herinandro teo no efa nangataka fihaonana manokana taminy manoloana ny zava-misy eto amin'ny firenena. Manamafy ny filoha Marc Ravalomanana fa tsy misy afa-tsy ny fanarahana-dalana irery ihany no ahafahana mamaha izao olona ara-politika misy eto Madagasikara izao. Vonona ny antoko

Tiako i Madagasikara (TIM) hoy ny filoha Nasionaliny, Marc Ravalomanana hiatrika ny fidianana fihom-pirenena. Na ny sehatra iraisam-pirenena izay mpamatsy vola na ny tenako hoy izy dia samy mahita fa tsy manana ny fahaleovantenany ny CENI ka tokony hisy ny fana-vaozana ny rafitra rehetra hatrany amin'ny fokontany mba hisian'ny fidianana mangarahara eken'ny rehetra.

Isambilo

Kianja 13 mey

Tsy tonga ireo depiote MAPAR

Mitohy hatrany ny hetsibahoaka etsy amin'ny kianjan'ny 13 mey Analakely, ny somary nanaitra omaly, tsy tonga ireo depiote avy amin'ny MAPAR, nitarika ny fotoana teny n-toerana ireo depiote hafa avy amin'ny Fanovana dia ny depiote TIM, ny tsy miankina ary ny avy amin'ny MMM. Tsy fantatra aloha na tena hiala amin'ny toloa tanteraka

izy ireo na ahoana satria ny sabotsy teo dia mbola tonga teny an-toerana ireo depiote mpomba an'i Andry Rajoelina ireo. Nisy ny fanfandaharana nataon'ity farany tamin'ny televiziona tsy miankina ny faran'ny herinandro teo, heverina fa nisy ny toromarika avy aminy omaly, ka nahatonga ireo solombavambahoakany tsy tonga teny ankianja. Na izany na tsy

izany, ho hita eo anio, na tena tsy ho avy eo amin'ny 13 mey intsony izy ireo, ka hiala amin'ny toloa, satria ny toloa dia mbola tsy vita: mbola tsy miala Rajao, mbola tsy miala ny ministra HVM, ny sendika matahotra ny hisian'ny valifaty any amin'ny ministera,.... Raha hiala tokoa izy ireo, dia tena namadika ny toloa, fitadiavan-tseza fotsiny izany

no tena nataony teny Analakely. Andanin'izany kosa anefa, ireo depiote hafa ao amin'ny Fanovana dia mbola manohy ny toloa hatrany, mandra-pivalin'ireo fitakiana rehetra, satria efa nilokalo izy ireo fa tsy hivadi-belirano amin'ny vahoaka sy ny Fanovana imatimatesana.

Isambilo

TIM Moramanga

Nanatanteraka didim-poitra faobe

Tsy ny fanaovana politika ihany no ataon'ny avy amin'ny antoko Tiako i Madagasikara na TIM any amin'ny distrikan'i Moramanga fa manatanteraka asa sosialy ihany koa izy ireo. Famo-

ran-jazalahy maimaim-poana faobe no nataony antoko TIM Moramanga ny faran'ny herinandro teo. Nananteatataka izany asa famoran-jaza izany, Dokotera Jiamby namana nifanampy na-

hafahana namita ny asa ho an'i mpiarabelona izao. Nanampy ihany koa ny Hotel Emeraude ao amin'ny renivohitry ny fritra Bezanozano, nanome trano nanatanterahana izao asa

sosialy izao. Tsy zazalahy kely teo Moramanga ihany no noforaina tamin'izany, fa teo ihany koa ireo avy amin'ny faritra manodidina.

Isambilo



Ny didimpoitra faobe tany Moramanga.



Ireo mpitarika ny antoko TIM Moramanga.

Ny Valosoa sy fakafaka

Tsy misy firenena mandroso anaty kitoatoa

Tsy tongatonga ho azy ny fandrosoan'ny firenena iray fa tsy maintsy misy ny antony mahatonga izany. Eo aloha ny tsy famelana ny gaboraraka hanjaka izay tsy afaka misaraka amin'ny fanajana ny lalana, eo koa ny fitantana izay tsy hanjakan'ny halatra sy ny fanodinkodinana ny harem-pirenena. Fa ankoatra izay mba hahafantaran'ny mpitondra izay lalana hitondry ny firenena izay tantaniny dia tsy maintsy fantany ny mombamomba ny fireneny. Amin'ny fomba ahoana no hikatsahana fampandrosoana kanefa ny isan'ny mponina aza tsy fantatra, raha ny eto Madagasikara ohatra dia izao vao manao hazakazaka arahin-tosika Rafanjakana manao ny fanisana. Tsy fantatra ny isa marina ho an'ny olona mizaka ny zom-pirenena Malagasy. Mbola maro rahateo ny olona tsy manana soram-plankehonana any amin'ny faritra mitoka-monina, eny fa dia amin'ny tanan-dehibe aza, isan'andro anefa dia misy ny zaza teraka. Dia hoy isika manao hoe : ny isan'ny mponina aza tsy fantatra ka mifototra amin'ny inona moa ny programan-pampandrosoana tiana ho tantarahana ? Io no anisan'ny tsy nampahombony ny fitantanan'ny Hvm, maika ny hahazo seza ka tsy nahagaga raha niova matetika ny Praministra. Mba firy moa amin'izao fotoana izao ny isan'ny omby eto Madagasikara ? Azo antoka fa tsy fantatra, na ny marimarina kokoa fanahiniana tsy isaina. Vokany dia manjaka ny halat'omby manginy fotsiny ny fanondranana omby velona mangany ivelany izay tena manapotika ny toekarem-pirenena, ny omby vavy aza efa vonoin'ny sasany kanefa dia mandeha ho azy toy ny karat'i Naivo tsy misy body ! Ny mahagaga dia ny karazan'olona efa nanapotika ny firenena no mbola misisika hahazo seza. Ffidianana mamoa ny tena safidim-bahoaka no tadiavina mba hisian'ny tena fampandrosoana. Tsy misy firenena mandroso ao anatin'ny kitoatoa. Kitoatoa ny fametrahana Governemanta, kitoatoa ny fampiharana didim-pitsarana, kitoatoa daholo !!!

Rina Rabemananjara

Vondron'ny fanovana

Takiana ny fanoloana ireo talem-paritra any Anôsy

Mitohy hatrany ny tolon'ireo mpiara-dia amin'ireo depiote 73 mitaky ny fanovana. Raha te hisy fiovana tsaratsara kokoa ny zava-misy eto amin'ny firenena tsy maintsy esorina ireo tale Hvm. Tsikaritra fa mihazakazaka mihitsy ireo teti-dratsin'ity ity tondrana ity ny amin'ny fiketrehana fomba ratsy. Miala any indray ny teritery atao amin'ireo sefopokontany sy ireo ben'ny tanana ary ireo mpan-draharaha. Manahy ny vahoaka ny mety hisian'ny familiviliana ny voka-pifidianana (safidy). Efa miketrika fomba ratsy. Tsy mitondra tsikera fotsiny ireo mpitolona mpitaky ny fanovana. Ny hanovana ireo talem-paritra(Hvm), izay zatra ny fomba ratsy sy ny tsy fahaiza-mitantana no hatao. Ho fanoherana ity fitondrana ity sy ho fanomezan-tanana ireo depiote 73, tohizana ny toloa. Rajao sy ny forongony miala ihany no vahaolana manoloana izao savorovoro izao. Ny ao Fort Dauphin, misy ny fivoniana andinihana ny raharaham-pirenena ataon'ireo mpanohitra miaraka amin'ireo sendikan'ny mpiasa miankina sy tsy miankina amin'ny fanjakana isaky ny sabotsy.

Mangarahara

PRIERE AU SACRE CŒUR



Que le Sacré Cœur de Jésus soit loué, adoré et glorifié à travers le monde pour des siècles et des siècles. Amen.

Dites cette prière 6 fois/ jour pendant 9 jours et vos prières seront exaucées même si cela semble impossible. N'oubliez pas de remercier le Sacré Cœur avec promesse de publication quand la faveur sera obtenue. Remerciements au Sacré Cœur pour faveurs obtenues.

Hir'Aina B

Ny Valosoa sy hadihady

Mbola tsy misy ny fitoniana mankany amin'ny fifidianana

Sahy milaza voa ny mpitondra fanjakana amin'izao fotoana izao fa milamina ny firenena, misy ve ny fitoniana ahafahana mizotra mankany amin'ny fifidianana tsy misy fanilihana sy eken'ny rehetra ? Tsia avy hatrany ny valiny . Ny tsy firaharahiana ny lalana sy ny didy no fototra mahatonga ny tsy fandehanan-draharaha eto amin'ny firenena amin'izao fotoana izao . lasa ny resaka no betsaka fa ny tena fanatanterahana izay tokony hatao tsy hita soritra . Ny Hvm no mibahantoerana ao amin'ny Governemanta Ntsay Christian kanefa izany Hvm izany no fototry ny olana nialinga teny amin'ny Lapan'i Tsimbazaza ka tonga hatramin'ny fidinana andalambe sy namoizana ain'olona . Lazaina fa ny marimaritra iraisana no hitondra any amin'ny fitoniana kanefa ny Hvm hatrany no mibahana ny seza ao anatin'ny Governemanta Ntsay . Matoa mbola misy ny fidinana andalambe hatramin'izao etsy amin'ny kianjan'ny 13 Mey dia misy ny tsy mety eo amin'ny firafitry ny mpikambana ao anatin'ny Governemanta ; tsy arakaraka izay notakiana ny zavamisy . Mamikitra mafy ny Hvm ary manao izay azony atao hametrahana ny paik'ady hiatrehana ny fifidianana satria sarotra ny mandao ireo tombontsoa isan-karazany izay efa nahazatra . Miezaka mandamin-dresaka ny ao anaty fitondrana ao saingy tsy maharesy lahatra ny ankamaroan'ny Malagasy aloha hatramin'izao . Ireo Ministera izay ahitana Ministra Hvm no tena hitrangany ny tsy fitoniana satria olona efa nanana tantara

ratsy teto amin'ny firenena no mbola nomena seza, izay midika fa tsy vonona ny handamina mihitsy ilay antsoina hoe Fanjakana . Fa angaha tsy misy olona ankoatra an'ireo ao amin'ny Hvm ? Misy saingy ao raha ! Izany Ministeran'ny Vola izany ohatra dia tsy navotsotry ny Hvm mihitsy , toy izany koa ny Ministera misahana ny Serasera sy ireo Ministera sasantsasany . Anisan'ny nitolomana ny hisian'ny mangarahara eo amin'ny fitantanana ny firenena saingy amin'izao fotoana-sarotra izao dia misy koa ny olona izay miady mafy mba tsy hivoahan'ny marina sy ny raharaha maizina any ambadimbadika any . Raha izany rehetra izany no dinihana dia mbola ho sarotra ny raharaha , sahirana sahadry ny Governemanta tarihan'ny Praiministra Ntsay , hanao fifidianana anefa ny asa goavana miandry azy; ka hoy isika manao hoe : amin'ny fomba ahoana no hanaovana fifidianana manoloana izao tsy filaminana izao sa ho atao amboetra indray ? Ny ankamaroan'ny mpanara-baovao dia milaza fa raha mbola manalokaloka eo amin'ny fitantanana-draharaham-pirenena ny Hvm sy ny Filoha Rajaonarimampianina izay nodradradra-draina teny andalambe ny fitakiana ny filalany dia sarotra ny hahatongavana amin'ny fitoniana satria manjaka ny tsy fifampitokisana . Samy tomponandraikitra amin'izay ataony ny tsirairay ary samy ho tsarain'ny tantara sy ny taranaka faramandimby, sa ahoana hoy ianao ?

Rina Rabemananjara

NY TENY FIAINANA
Levitikosa 19 : 18.
Aza mamaly ratsy na manao lolompo amin'izay iray firenena aminao: fa tiava ny namanao tahaka ny tenanao: Izaho no Jehovah.

ANDROY
Miady amin'ny fahasahiranana ny mponina

Mifanohitra amin'ny zava-misy iainan'ny mponina andavanandro ny tranga hita any Androy. Tao anatin'ny volana maromaro, mitombo andro aman'alina ireo mpangataka. Saika ireo beantitra sy kolonga madinika ny ampahany betsaka amin'izany. Ahitana azy avokoa ireo toerana fandalovan'ireo mpiantsena sy ireo trano fandraisam-bahiny (hotel). Raha vao misy mpizahatany sendra mandalo dia efa mitangorona ireo gasy kely mangataka mitady izay mba harapany. Henatra ho an'ny gasy ny fisian'izany. Ny mampametram-panontanianana, saika miovaova ireo mpangataka. Voalaza fa avy any ambanivolo, tonga hitady mivelomana amin'ny hataka etsy sy eroa. Vokatry izany, mihamaro ireo kolonga no lasa mirenireny, mitombo isa ireo be antitra mangataka. Tsy dia mampino loatra ny tsy ahitan'ny tomponandraikitra, solontenanpanjakana sy ireo mpanao politika izany. Amin'ny ankapobeny, mbola mizaka ny tsy eran'ny ainy ny mponina amin'izato fahantrana. Manampy trotaka ny halafosan'ny rano. Zary antso an'efitra no hita. Mila famonjena ny ao Androy.

Mangarahara

Fiaramanidina nianjera
Maty avokoa ireo mpandeha miisa 5

Fiaramanidina kely iray no nidaraboka teny Ampangabe Ambohitrimanjaka distrikan'Ambohidratrimo omaly maraina. Araka ny vaovao azo dia mpianatra ho mpanamory ny 2, efa mpanamory kosa ny 2, izay mpampianatra azy ireo ary niampy mpandeha iray no tao anatin'ity fiaramanidina kely ity. Maty avokoa izy dimy ireo ta-

min'izao loza izao. Araka ny fantatra, zanaky ny havan'ny ministra Rasoloelison ny iray tamin'ireo namoy ny ainy. Ity fiaramanidina kely nianjera ity dia an'ny kaompania MTA. Mirary fiononana feno ho an'ny namoy ny havany tamin'izao loza izao ny gazy Ny Valosoa Vaovao.

Ny Valosoa



Ny toerana nitrangan'ny loza.

Jiro maty
Niaina tao anaty haizina tanteraka Antsirabe

Niaina tao anaty haizina tanteraka ny tananan'Antsirabe nanomboka ny

Alahady 17 Jona 2018 lasa teo tokony ho tamin'ny 11 ora atoandro

ka hatramin'izao fotoana hanoratana izao (16h34). Raha ny fantatra dia olana ara-teknika di any fahatapanan'ny tariby mitondra herinaratra matanjaka avy any Antananarivo ka mamatsy an'Antsirabe izany, izay mahatratra 63.000 Volts izany ka mahatratra 149 Km ny tariby mitarika izany ka tsy maintsy notadiavina ny toerana mety hitrangany ny fahatapanana. Nambaran'Atoa Volahasina Raharomisa, Tale iraisam-paritry ny Jirama Antsirabe moa fa an-tongotra no nitadiavana ny fahavoazana ka sahirana ireo mpiasa manaraka ny lalan'ny andrin-jiro. Alina ny andro dia nanato ny fikarohana ka ny marainan'ny Alatsinainy no nahitana ny fahavoazana izay 5Km niala ny lalam-pirenena faha 7. Olana ihany koa dia mbola nisy fitaovana mbola nafarana avy tany Antananarivo hanare-

facebook NY VALOSOA

Niady hahazo Praiministra ny MAPAR vao sahy hatrika fifidianana

RazzaAn Andria : raha azoko tsara izany dia NIADY nitolona mba hahazoana PM ny Mapar VAO hahasahy hanao fifidianana ???inona no antony ! éléction Madio , Equitable ary eken'ny rehetra NO TANJONA KA TADIDIO, raha izany, mety hangalia-bato koa izany ny MAPAR.

Frank Be Fitia : mazava be nge reny ny mapar dia efa vonona na atao androany aza fifidianana.

RazzaAn Andria : tsy vonona io teo satria TSY NANANA PM , sy ministra e!!! ankehitriny izao no hametraka système Mapar , raha système HVM izy teo ???! sa ve diso izahay.

Jacqueline Lala : Enoa mahita Ho tenenina fona, tsy ray anga no ilana irosoana @ fifidianana, fa ra ny vavabe no atao tsisy zavatra vita ny eo, manaova koa mba Ho hitanolona.

Nicolas Randriamisa : Le manahirana amin'ity resaka ity dia ilay izy hitarina. Rehefa hoe fitakiana ny code elettorale dia resaka momba ny fifidianana izany. Hitaky datimpifidianana indray dia mbola seza indray no mahamaika. D oviana izany no hatao ny fifidianana?

Jean Clair Fianarantsoa : Zany kay no mba fikan'ny Mapar?

Andry Niaina Rakotoarison : NY zavatra tsy ampy amin'izao adi-hevitra eto izao dia ny filazana fa efa verrouiller n'ny HVM ny processus elettorale eto Madagascar raha tsy hilaiza aho oe ny logiciens rehetra sy ny olona hanisa vato dia efa any amin'ny rantsamangaikan'ny CENI avokoa. Na izany aza, tsy hisy haharesy andRavalo na i Hery , na i Andry. I Hery sy ny HVM efa naloam-bahoaka, i Andry Rajoelina mpanongam-panjakana, tsy ho tafa koa tsy tian'ny iraisam-pirenena, mpanapotika tanindrazana.

Lezama

TONOTRABO
Rajao ny ny di-dohany
Moa nafaizina tanteraka ireo mpitaky fanovana, Ka nolanana ny maimbo na niniana tsy nalana ? Dia navela hamerin-laona , na koa mba nafindra kely, Na dia hita tsotr'izao fa efa tena tsy mamely ?
Moa nafaizina tanteraka ireo mpitaky fanovana, Ka nolaerana ny lo sy ny efa tena nigagana ? Ireo izay efa tsy nahomby tamin'ny taona sivifolo, No naverina indray f'izay Rajao sy ny bontoto ?
Moa nafaizina tanteraka ireo mpitaky fanovana, Noho ireo mpitsara avo efa manalky ny hadalana ? Ka tsy misy mampanahy ny hery vaovao intsony, Fa mitohy ny hagegeny sy ny fanaranam-pony ?
Moa nafaizina tanteraka ireo mpitaky fanovana, Ka dahalo no navondrona ao anaty filondrana ? Saino anefa ny mpitondra fa ny zavatra rehetra , Manana ny fiafarany sady tena misy fetra !
DADAN'RIANA (17-06-18)

MONDIAL 2018

Sahirankirana ireo ekipa lehibe

Rina Rabemananjara

Azo lazaina ho sahirankirana amin' izao fotoana ireo ekipam-pirenenena heverina ho lehibe amin'ny Mondial andiany faha-21 atao any Rosia amin' izao fotoana. Voaporofa hatreto fa tsy misy intsony izay nambara hatramin'izay hoe : Ekipa lehibe sy kely raha toa ka ny Mondial 2018 no asiana resaka. Hatramin'ny Alakamisy nanombohan'ny Mondial andiany faha 21 tany Rosia mantsy dia tsy arakaraka izay noeritreretina ny vokatra.



Ny fihanonan'ny Espagne sy Portugal, lalao tsy nahitana fandresena.

Ny Alemà izay tompon-daka farany ohatra dia resin'i Mexique tamin'ny isa 1 no ho 0 na dia naindry hatramin'ny farany aza ry Gomez sy ry Kroos, ny Argentine indray dia tsy nahita fandresena fa nanao ady sahala 1 sy 1 tamin'i Island, ny Islandais izay vao sambany no niatrika izany atao hoe Mondial izany. Azo hambara koa fa nitovy aretina tamin'i Argentine i Bresil satria nanao sahala 1 sy 1 tamin'i Suisse, ny Frantsay indray dia zara raha nandresy 2 no ho 1 an'i Australie. Tsara anefa ny manamarika fa i Allemagne sy Argentine sy Bresil ary i Frantsa dia tafiditra ao anatin'ny Top 10 izany hoe ao anatin'ny 10 voalohany eran-tany eo amin'ny baolina kitra araka ny filaharana nomen'ny Fifa.



Ny fihanonan'ny Argentine sy Island, tsy nampoizina nisaraka ady sahala.

Ankoatra izay dia tsy mbola hita izay ilazana an'i Espagne sy i Portugal satria nisaraka sahala 3 sy 3. Raha izany rehetra izany ary no dinihana dia sarotra tantaraka ny fandidiana, izany hoe tsy mbola hita soritra mihitsy izay handrombaka ny amboara, ao mihitsy aza ny milaza fa ekipa tsy ampoizina no mety handrombaka ny amboara volamena. Efa miova tanteraka ny baolina kitra ankehitriny satria samy miezaka ny rehetra. Ho an'ny solontena Afrikana kosa dia mila ezaka mafy satria mbola manana lalao 2 avy ny tsirairay any amin'ny isambondrona ka raha sanatria resy in-2 dia mampamangy. Ho hita eo izay hiafarany fa amin'ny 16 Jolay no hafafantarana ny valiny.



Lavon'ny Mexique ry Rainiboto.



Ny fihanonan'ny Brésil sy Suisse, tsy nampoizina koa, nisaraka ady sahala.

Sakafo Ny Valosoa



Henakisoa sy anana indray no laoka amin'ny Sakafo eto amin'ny gazetinao androany. Anatsonga ity amin'ny sary ity fa azo afangaro amin'ilay henakisoa koa ny anana hafa toy ny ananamamy, anandrano.... Atao ketsaketsa izany, dia mihinana finanitra tempoko.

NY VALOSOA sy Mahavariana

Mbola ny momba ny aretina donika

Matetika dia sitrana ho azy anatin'ny 2 herinandro ny donika (izany hoe tsy nila notsaboana. Mora mifindra kely anefa ny donika ka mila make aina be ny marary. Raha mandeha dokotera dia jereny ny anaty sofina, ny fibontsonan'ny nangy. Ary mba hanamarinana fa donika tokoa no mahazo dia mety hakana ra ilay zaza, na jarena ny fivalanan-dranony. Mila manaraka ny fanafody omen'ny dokotera tsara fotsiny amin'ny fitsaboana ity aretina ity. Tsy tokony hifanerasera amin'ny vehivavy bevohoka ny marary fa mahafa-jaza ho an'ny mitondra vohoka latsaky ny 3 volana. Tsy mahazo mianatra na mifanerasera amin'ny ankizy koa noho io aretina io mifindra haingana be. Misy ny fitsaboana natoraly ity aretina ity.



- 1-Rehefa misakafo ny ankizy dia zaro omena tongolo gasy manta sy tongolo be manta mba tsy ho andairan' aretina.
- 2-Dintina vahona(aloe vera) sy tamotamo(curcuma). Sady manaisotra ny bakteria no manala ny fanaintanana ny dintina vahona.
- Silahina 2 ny ravina vahona ary kikisana hiala ny dinty ao anatiny. Rarahina tamotamo kelikely fotsiny io dintiny io ary afangaroina tsara.
- Io fangaro io no ahosotra amin'ilay faritra mararin'ny donika. Andrasana ho maina, mandritra ny 30 minitra, vao kosehina moramora amin'ny « gant de toilette » vita amin'ny hasy na vovondandihazo nolemana tamin'ny rano matimaty. Atao in-2 na 3 isan'andro ity fanafody ity dia hanampy amin'ny fahasitranan'ny donika vetivety.
- 3-Atao peta-gilasy izany oe maka gilasy dia fonosina lamba dia apetaka eo amin'ilay mivonto
- 4- KARIBONETRA: maka karibonetra tsisy fatra fa ataovy izay mahatonga azy ho feta dia apetaka amin'ilay mivonto vao maina dia sasana mora amin'ny lamba.

NY VALOSOA sy Mahavariana

Ny reniranon'i Linta any amin'ny faritra Atsimo Andrefana

Ny reniranon'i Linta any amin'ny faritra Atsimo Andrefana indray, no Mahavariana sy Mahaliana eto amin'ny gazetinao androany. Mivarina any amin'ny Lakandranon'i Mozambika ity renirano ity. 173 km no halavany, manondraka velaran-tany 5800 km2 dia ireo faritra maina any amin'ny tapany atsimo'i Madagasikara iny. Any Androka any amin'ny distrikan'Ampanihy Andrefana no tena ahitana ity renirano ity.



ORINASA AMBATOVOY

Mampandroso ny Faritanin'i Toamasina amin'ny asa sosialiny

Azo lazaina fa isan'ny mandray anjara mavitrika amin'ny fampandrosoana ny faritanin'i Toamasina ny orinasa Ambatovy amin'ny alalan'ireo sehatr'asa sosialy izay ataony.

Tsy very tamin'ireny Alaotra Mangoro satria nametrahany lalana vaovao ny kaominina Ambatondrazaka renivohitra raha toa ka isan'ny nahazo tsena lehibe sy manara-penitra ny renivohitr'i Bezaronzano ankoatra ny fanamboarana lalana. Ho an'i Toamasina kosa dia betsaka ireo foto-drafitr'asa nomen'ity orinasa lehibe eto Madagasikara ity. Isan'ny notsidihana ny mpanao gazety avy aty Alaotra Mangoro avokoa ireo karazana asa goavana nataon'Ambatovy ireo ny herinandro lasa teo. Isan'izany ny Bazary be izay efa voatokana tany amin'ny 20 jona 2014. Tsena izay nohavaozina izy io satria azo hambara fa sehatra iray ifaneraseran'ny vahoaka kanefa dia ratsy dia ratsy tokoa fahiny. Afaka mandray mpivarotra hatrany amin'ny 750 ity tsena ity satria mirefy 5 300 m². Mbola nasiana fotodrafitr'asa maromaro ihany koa ho fanampiny ankoatra ny maha-tsena ivarotana azy. Misy ny trano lehibe izay ahafahana mivarotra sakafo sy entana voahodina ary ny fivarotana hazandrano. Misy ihany koa anefa ny trano madinika sy tranoeva natokana ho an'ny mpivarotra asa tanana sy fanaka ary voankazo isan-karazany. Isan'ny notsidihana ihany koa ny orinasa Jirama izay nahazo fanampiana goavana tamin'ity orinasa ity. Ny faha-28 septambra 2016 lasa iny ny lanonam-panjakana izay nanolorana indrindra ny milina famatsian-jiro lehibe miisa roa avy amin'Ambatovy ho an'ny Jirama ao Toamasina. Mitentina hatrany amin'ny 16,5 tapitrisa dolara am-



Nitsidika ny zava-bitan'Ambatovy ireo mpanao gazety avy any Alaotra Mangoro.

rikana na 16,5 arivo tapitrisa ariary no namatsian'Ambatovy an'ity tetik'asa Jirambato ity tamin'ny alalan'ny tahiry ho an'ny tetik'asa sosialy sy foto-drafitr'asa. Isan'ireo fanampiana an-tsitrapo tanterahin'Ambatovy ho fanohanana ny fampandrosoana lovain-teo. Isan'izany ny Bazary be izay efa voatokana tany amin'ny 20 jona 2014. Tsena izay nohavaozina izy io satria azo hambara fa sehatra iray ifaneraseran'ny vahoaka kanefa dia ratsy dia ratsy tokoa fahiny. Afaka mandray mpivarotra hatrany amin'ny 750 ity tsena ity satria mirefy 5 300 m². Mbola nasiana fotodrafitr'asa maromaro ihany koa ho fanampiny ankoatra ny maha-tsena ivarotana azy. Misy ny trano lehibe izay ahafahana mivarotra sakafo sy entana voahodina ary ny fivarotana hazandrano. Misy ihany koa anefa ny trano madinika sy tranoeva natokana ho an'ny mpivarotra asa tanana sy fanaka ary voankazo isan-karazany. Isan'ny notsidihana ihany koa ny orinasa Jirama izay nahazo fanampiana goavana tamin'ity orinasa ity. Ny faha-28 septambra 2016 lasa iny ny lanonam-panjakana izay nanolorana indrindra ny milina famatsian-jiro lehibe miisa roa avy amin'Ambatovy ho an'ny Jirama ao Toamasina. Mitentina hatrany amin'ny 16,5 tapitrisa dolara ame-

nofanana ary ny fitaovana ilaina amin'ny vonjy taitra niampy fiara miisa fito ahafahana ireo mpiasa mirotsaka antsehatra avy hatrany raha misy loza. Tandindron'ny loza eo amin'ny lafiny toetr'andro hatrany ny tananan'i Toamasina ka isan'ireny ny rivo-doza sy ny tondra-drano izay mitarika aretina isan-karazany. Eo ihany koa ny loza mitatao vokatry ny fisian'ny orinasa maro ao an-toerana ka izany no antony name-trahana io sampam-piarovana io, taorian'ny fifanakalozan-kevitra teo amin'ny fanjakana sy ny vondrom-piaraha-monina ifotony ary ny ao Ambatovy hoy ny fanazavana voaray. Tsy maka velively ny toeran'ny fanjakana Ambatovy fa maniry kosa ny handray anjara amin'ny fampandrosoana eto an-toerana amin'ny maha mpandraharaha eo amin'ny sehatry ny toe-karena azy hoy ny Filohan'Ambatovy, Tim Dobson nandritry ny fanolorana ireo fanomezana lehibe rehetra ireo. Nampialiky volana ny maro ny nahita ny fanavaozana nentin'ity orinasa ity tamin'ny trano fianarana ao amin'ny Lisea teknika sy fianarana arak'asa ao Toamasina ao. Mitentina hatrany amin'ny 400 000 USD na 1,2 miliara ariary no nentina nanavaosy ihany koa ny fanomezana fanaka sy fitaovana ampiasaina amin'ny fa-

koa ary saika efa montsana mihitsy aza teo aloha teo raha ny fanazavana nentin'ny tompon'andraikitra ny sekoly. Marihina fa ao anatin'ny fandraisan'ny orinasa andraikitra eo amin'ny lafiny sosialy dia nametraka vola mitentina 25 tapitrisa dolara Ambatovy entina hamatsiana ireo tetikasa sosialy sy fotodrafitrasa ho tombontsoan'ny mponina eo amin'ny faritra lasany, tamin'ny taona 2012. Niaranididika sy nisafidy tamin'ny tompon'andraikitan'ny fanjakana amin'ny faritra lasany sy ny fanjakana malagasy ny tetikasa mba handraisany anjara amin'ny fampandrosoana ny lafiny sosialy sy toekarena ho an'ny mponina amin'izany faritra izany. Mbola misy tetik'asa miisa valo hafa ihany koa anefa vatsian'ny « Fonds d'Investissement Social d'Ambatovy » dia ny tetik'asa fampiana akoho fakana nofo « Harena-soa », izay natao ho an'ny kaominina lalovan'ny fantsombin'Ambatovy, ny fandevoana ny amoniaka mbola mitoby ao amin'ny orinasa Zeren teo aloha, ny fametrahana sampam-piarovana sivily misahana ny loza indostrialy ary ny fananganana ny tsena ao Moramanga miaraka amin'ny fanamboarana ny ampahan-dalana ao Ambatondrazaka sy ny tetikasa fitantanana ny fako ao amin'ny tananan'i Moramanga sy Toamasina ary ilay fanampiana ny orinasa Jirama Toamasina. Fiantatra ihany koa fa nahazo fiara mpamonjy voina miisa roa, izay tafiditra ao anatin'ny hiaka farany ny sampam-pamonjy voina ao Toamasina ao.

Tokenrano tratry ny bekorontana Gidragidra lava tsy nisy masoandro mihiratra

Tokenrano manana ny maha-izy azy izy mianakavy ireto. Mpamboly sy mpiompy izy mivady ireto ary mpivarotra ihany koa. Miditra tsara ny vola ary tsy nisy olana teo amin'izy mivady.

Indray andro anefa dia solafaka rangahy ka nira raka tamina sipakely ary tsy hay nafenina intsony ny fiarahany fa fantatry ny vadiny. Nanomboka teo dia niharatsy ny fiarahany izy mivady satria namaly faty ihany koa ramatoa ka nanao sipa ihany koa. Ny tsy nitovizany anefa dia ny an'ilay rangahy tsy nieritrenitra na inona na inona, fa ny an'ilay ramatoa kosa dia ny handavaka ny haren'izy mivady no tanjon'ny sipany satria fantany tsara fa manambola izy mivady ireto. Nanomboka teo dia raikitra ny adin'izy mivady. Lasa ady lava tsy nifankahitana ny tokentranon'izy ireo. Tratry ny tsatoka sy blocage mihitsy ny fiainany ary nikatso avokoa ny rehetra. Lasa nikorontana hatramin'ny fianakaviana satria na ny zanany aza dia lasa tsy tian-dramatoa. Olona tsara iray no Andresy iahatra azy ka nanaona teny amin'i Madame Noelah mpitsabo eny amin'ny 67 Ha atsimo 03313 090 13 sy ny 03461 328 62 ary ny ampitso ihany dia nahaona ny roa tonta.

Tratry ny mosavin'ny sipany ramatoa

Vao noraisin'ity mpitsabo ity fotsiny ilay ramatoa dia namarany fa ny sipany no namosavy azy satria tsy nanaiky ny hetahetany ilay ramatoa. Ny hamotika anareo no tanjony hoy ilay mpitsabo. Nokarakarin'ity mpitsabo ity ilay ramatoa ka roa andro taorian'ny fikarakarana monja dia afaka ilay sipany ary iray andro taorian'izay dia niverina daholo ireo mpividy rehetra tao aminy satria nampandrona ilay ramatoa. Nialiky ilay ramatoa fa tsatoka tokoa no nahazo azy raha tsy nokarakarina teny aminy dia saiky polika tao anatin'ny fotoana fohy monja ny fiainany noho ny hasomparana nataon'ny mpialona. Miverina amin'ny laoniny ankehitriny ny fiainan'izy mianakavy ary foana ny olana samihafa teo aloha.

Ny Akama

Fahamaizanay Trano fivarotana miisa 7 levon'ny afo

Nitrangana hai-trano nahatsiravina indray tao amin'ny faritra Antsenakely-Antsirabe ny alin'ny Sabotsy 16 Jona 2018 lasa teo, tokony ho tany amin'ny 2 ora maraina tany ho any. Toeram-pivarotana avokoa moa ireto may ireto ary tsy misy mpetraka fa ny entana ihany no mipetraka ao. Hainga dia haingana ny fandehan'ny afo satria dia antsasakadiny teo ho eo monja dia levona ireo trano hazo izay feno entam-barotra toy ny "frapperies" lamba sy sakaosy isan-karazany ary toerana fanamboarana sy fivarotana ireny "Batteries" hoan'ny fiarakodia ireny. Tsy vao sambany akory no nisiana trano may teo amin'ity toerana ity fa efa in-4 izay no nitrangan' izany ary saika akaiky fety toa izao no hitrangany. Nambaran'ireo manodidina moa fa olana eo amin'ny samy mpandova mampanofa ny tany ampiasain'ireo mpivarotra no antony satria tsy mitovy ny fizaram-bola no sady misy tsy misitraka ny hofan-tany ihany koa ny mpandova sasany ka izany hatrano no hitrangany ny hai-trano toa izao satria misy ny misabotazy ireo mpanofa mba hialany eo amin'ny toerana mba samy tsy hisy azy haza tombontsoa amin'io tany hiadivana io. Efa nisy moa ny taratasy nifanaovan'ireo mpivarotra izay tsy fantatra na fitoriana na fitarainana io nataon'izy ireo io. Asa moa raha hisy fepetra ho raisin'ny mpitondra fanjakana mikasika ity tranga ity.

Solohery



Anisan'ny fitaovana nomen'Ambatovy ny JIRAMA.

Raoul

NY VALOSOJA *Dobam-barotra*
www.gvalosoa.com
Tel. 034 79 076 00

An-tsary misongadina Ny Valosoa Vaovao

Njaka sy Hellisoa

Ny parlemantera TIM sy ny mpitarika ny CUA niarahaba ny Filoha Ravalomanana tratry ny fetin'ny Ray ny alahady teo.



Ny Filoha Ravalomanana niatrika ny fotoam-pivavahan'ny Fiangonana Advantista teny Soamanandrarin'ny sabotsy teo.



FILAZANA MANJO

Amin'ny finoana sy fanantenana ny fitsanganan'ny tena amin'ny maty no ampandreosanay anareo fa ny reny malalanay

RAHARIMANANA Jeanine

dia nantsoin'ny Ray hody aminy ny alahady 17 jona 2018 rehefa nivahiny 70 taona teto an-tany.

Hoy :

Ny zanany :

- RAHARIMANANA Alice
- Mme Veuve RAHELISOA Arphine
- RANDRIANARISON Richard sy Beby
- RABARIVELO Tovo Harrice sy Huguette
- RANDRIANARISON Harimanana Jocelyne
- ANDRIANARIVONY José Francky sy Voahangy
- RANDRIANARISON Herilaza sy Dorette
- RASOLOMANANA Vonjisoa Franck Lalaina

Ny Zafiny :

Sedera, Aina sy Mirana, Lucas sy Hantatiana, Hericka, Judie, Tiana sy Fitia, Mitia, Tiavina, Mpandresy sy Malala, Herilala, Yandi, Cathy, Stéphanie, Herianja, Tommy.

Ny Zafiafiny :

Warren, Michonna, Louna, Yowan, Fitiavana, Nathan.

Ny iray tampo aminy avy eto an-toerana sy any ivelany

Ny iray tampo amin'ny vadiny sy ny zanaka aman-jafiny

Ny Fianakaviana manontolo

Ny FJKM Ivato Seranana Vavahadin'ny Lanitra

Ny FJKM Ambatomena Fitiavana

Ny Fokontany Ivato Aéroport

Ny Fokontany Ambatobe

Ny nofony dia hiala ao an-tranony, Lot K5 081 Ivato Aéroport ny Alarobia 20 Jona 2018 amin'ny 1 ora ary hoentina atao veloma farany ao amin'ny Fiangonana FJKM Ivato Seranana Vavahadin'ny Lanitra mialoha ny hametrahana azy any amin'ny fasan-drazany any Ambatobe.

«Aminao Jehovah o ! No hanandratako ny fanahy». Salamo 25: 1

Tsy misy fiaretan-tory

